

۵ محرم ۱۳۳۰

﴿ صالٰی ﴾

۱۳ كانون اول ۱۳۲۷

نومرو ۸ — ۶

6-8

صوفیہ سیر

نسخہ سی ۱۰ پارہ در

حجرت

عرفای امتک مقالات متصوفانہ لرینہ جریدہ
صوفیہ نک صحیفہ لری آچیقدر .

آبونہ سی بر سنہ لک اعتباریلہ ممالک عثمانیہ ایچون
۱۰ و ممالک اجنبیہ ایچون ۱۵ غروشدر .

اعلانات و سائرہ ایچون مدیر مسئلہ مراجعت
ایدملیدر .

محل اداره باب عالی جوارندنہ ابوالسعود جادہ سندنہ
نجم استقبال مطبعہ سی

شیمدیلاک اون بش کوندہ بر نشر اولنور تصوفدن باحث دینی ترک جریدہ اسلامیہ سیدر .

و بو رؤی دخی آنک صفتی کورور و کندینک وارلی بو طریق ایله قطره کبی امواج بحر توحیدک تلاطمی تصرفه دوشوب غرق جمع اولور . تنکیم شیخ الطریقه جنید قدس سره بیورمشدر « التوحید معنی یضمحل فیہ الرسوم ویندرج فیہ العلوم ویکون الله کما لم یزل »

[مابعدی وار]

اعتقاداتدن بر نبذه

برنجی فرقه : حضرت ادم علیه السلامه اولان کمال محبتلی و حال حیاتنده کندیسینه خدمت و اطاعتی عینی حق تعالی حضرتلرینه عبودیت و قربت اعتقاد ایلدکلی جهته عالم اخرتی تشریف نردن صکره جسم عالیری شکلنده طاشدن بر صورت یابوب حضرت آدمی تعظیم واکا اولان محبتلری اثبات ضمننده اول صورته خدمت و نظر و محبت ایدرلر ، وکویا تمثاله بو وجهله خدمت محبتک عندالله مفید اوله جغنی اعتقاد ایلرلر ایدی . مرور زمان ایله شو مقصد ضایع اوله رق عادتاً اول حجر مصنوعه توجه و عبادت اولومغه باشلادی ؛ ایشته عبادت اوئانک سببی و مبدئی بودر .

ایکینجی فرقه : لسان علمای شریعتده طبعیون دنیلان فرقه درکه ، بونلر اصنامه عبادتی رد ایله موجودانک اصلی اولان طبایع اربعیه عبادتی ترجیح ، و اوئان هر قفنی شیدن یاپیلور ایسه یاپیلسون طبایع فرعی اوله جغندن هر حالده اصله عبادتک اولی اوله جغنه حکم ایله حرارت برودت بیوست رطوبتدن عبارت اولان طبایعه توجه ایلشدرلر .

اوجنجی فرقه : کذلک لسان علماده فلاسفه دنیلان فرقه درکه بونلر طبایع وجودی اقرار ایله برابر حد ذاتنده بر حرکت اختیاریه مالک اولماق ادعایله انلره توجهی رد ایدهرک ، کواکب سبعه نیک تقدیس اولنسی لزومنه ذاهب و بونلردن یعنی رخل و مشتری و مریخ و شمس و زهره و عطارد و قردن هربری کندی محورنده دائر و موجوداته نفع و ضرری شامل اولدیغندن کائناتده متصرف دیمک اولوب شو حالده انلره توجهک دهها مناسب اوله جغنه حکم ایتشدرلر .

دردننجی فرقه : کذلک لسان علماده ثانویه دنیلان فرقه درکه بونلر کرک طبایع و کرک کواکب جملة نور و ظلمتدن عبارت اولدیغندن ، نور مطلق و ظلمت مطلقیه عبادتک اولی اوله

جغنه حکم ایدرک بلا تخصیص هر نرده بر ضیا ویا بر ظلمت کورمشار ایسه اوکا عبادت ایتمش ، و نوره یزدان و ظلمتسه (هر من نامی ویر - مشلدرلر .

بشنجی فرقه : مجوسیلردر بونلر دخی موجودانک کویا مابه الحیاتی تدقیق ایله انک حرارت غریزیه معنویه دن عبارت اولدیغنه ، و بو حرارتک صورت وجودیه سی آتش اولوب شو حالده کائناتک قوامی انجق نار ایله حاصل اوله . جغنه حکم ایله آتسه عبادت ایتشدرلر .

التنجی فرقه : دهریون و ملاحده تسمیه اولنان فرقه درکه بونلرک دخی پک چوق اقسامی واردر ؛ علماسی حق تعالی حضرتلری منکر اولیوب ، و علة العمل نامیه وجود خالق مصدق اولوب انجق کائناتده هر نه واقع اولمقده ایسه و یاخود واقع اوله جق ایسه واجب الوجود حضرتلرینک ترتیب و تنسیقی اوزره اولدیغندن و ارحام لسانک رفع و ارضک بلع ایتسی جملة تنسیقاندن بولندیغندن عبادتک قطعاً فائده سی اولیه جغنه حکم ایله عبادتک رأساً لزوم ترکنه ذاهب اولمشدرلر .

یدنجی فرقه : اهل کتاب اولوب بونلرده درت طائفه درکه انلره بالاده بیسان ایلدیکمز اون فرقه ختام بولور . بری براهمه دنیلان فرقه در ، بونلرک اعتقادلری شو وجهله درکه کائناتک جملة سی حق تعالی حضرتلری یرامشدر . و اصلا پیغمبرلر کوندر مامشدر . بونکله برابر کندیلری حضرت ابراهیم علیه السلامه نسبت ایدرک دیرلرکه ، بزم یدیمزده بالذات حضرت ابراهیم علیه السلامک کنندی طرفندن ترتیب اولمش بش جزؤ کتاب واردر . درت جزئی هرکسک تلاوت الیسی جائزدر بشنجی جزئی یالکیز خواص تلاوت ایتلیدر . و بونلردن بر فرقه دهها تشعب ایدرک اوئانه طیارلر ایسه ده اصل براهمه انلری رد ایدرلر . شو طائفه لردن هندستانده واردر .

ایکینجی طائفه : یهودی طائفه سیدر بو طائفه موسویلردر . توراۃ شریف حکمنجه حق تعالی بی توحید ایله کونده فرض اوله رق ایکی وقت نماز قیلمغه و سنه ده فرض اوله رق یوم عاشوراده اوروج طومغه و هر هفته جمعه ایتسی کونی اعتکاف ایتمه مجبوردرلر . و بو اعتکاف کیفیتی جمعه ایتسی کونی هیچ بر فرد کنندی خانه سنه ماله و طعامه متعلق هیچ بر نسنه ادخال ایلامک و خانه سندن او مقوله شی چیقارماق و نکاح و بیع و شرا ایتماک و جمعه کونی

بعدالغروب اعتکافه بدأ ایتک خصوصاً نردن و سائرهدن عبارتدر عبادتلرینه متعلق فروعه ده طرفه ماده سی ، و اغتسالک بهمه حال صفوق صو ایله اولسی ، و فرض اولان نمازک مطلقاً اون کشیدن مرکب جماعته و معبدده ادا ایدلسی ، و صیامک دخی اخشام اویقویه یا تمقله مفروض اولسی یعنی کبیجه یاندقندن صکره قالقوب طعام و جماع ایتک جائز اولماسی و سائر کبی پک اغری تکلیفات ایله مکافدرلر .

اوجنجی طائفه : نصارادر بو طائفه عیسویلردر . بر چوق فرقه لره منقسم اولوب ایچلرنده اک اول تشریح اعتقاد ایدنلر واجب تعالی حضرتلرینک حضرت عیسی علیه السلام و حضرت مریم علیهما السلام ایله روح القدسه بلا تجزی حلول ایتمش و قدیم اولدینی حالده محدث اولان حضرت عیسی ده ظهور ایتمش ، اولدینی بیان ایتدیلر ، و بو سوزلری مفسر اولق اوزره علماسی دخی شویله دیرلرکه حق تعالی حضرتلری واحد بالذاتدر صفات مع الذات اعتباریه اوچدر ، یعنی اقانیم ثلثه دنیلان اب ابن و روح القدس شو دیمک که اب ذات الله ایله صفات ذاتیه دن اولان وجوددر . و ابن ذات الله ایله صفات ثبوتیه دن اولان علمدر ، و کله دن مراد بودر و روح القدس دخی الله ایله کذلک صفات ثبوتیه دن اولان حیاتدر صکره تشعب ایدن فرقه لر ایچنده پک مستهجن اعتقادلر بولنوب انجق موضوع بحث و مناظرده خرسیتان علماسی اول اعتقادلری عوام کلامی دیهرک رد ایله فرقه لرک کافه سی اتی الذکر اوج طائفه یه حصر ایدرلر .

(بری) مسکانه درکه بونلر لاهوتدن یعنی حق تعالی دن بر جزؤ ناسوته یعنی عالم انسانه حلول ایدرک حضرت عیسی نک جسدیه اتحاد و التصاق ایلدی و امر قتل و صلب جزؤ ناسوت اوزرینه واقع اولدی دیرلر ؛ دیگر فرقه دخی یعقوبیه دنیلان طائفه در بونلر ایسه دیرلرکه کلمه الله لحم ودمه مبدل اوله رق حضرت عیسی دن عبارت اولدی .

نعت شریف

نور اعظم سین حبیب الاهد عنوان سکا
غبطه ایلر پرتو رخشان حسن و آن سکا
یوکسایر کوکم دوشوندکجه علو مشربک
بکزه من رفعتده دوران ایچره برانسان سکا

قیلیدی استیلا بتون دنیایی فیض اقدسک
عرض شکران ایلزیمی عالم عرفان سکا
قلب پاک تاپنا ککدر تجلیگاه حق
باشقه برهان ایستمز حجت یتقرآن سکا
جان چیقار چیقمازینه دلدن و دادک بر زمان
ایتدی هر ذرهم خلوص قلب ایلله ایمان سکا
وصفی

فرقه ناجیه و فرق ضاله

- ۷ -

قوم معتزله یکریمی فرقه به انقسام ایتمش ایدی.
بونلردن دردنجیسی حائطیه نامیله اشتہار ایتشدیرکه
محمد بن حائطک اصحابیدر . بوکروه دخی کتب
فلاسفه و حکمای مطالعہ ایدوب نظامک مذهب
باطلی اوزرینه اوج بدعت زیاده ایشلردر .
بدعت اولی الہک ایکی اولمنسہ بونلردن برینک
قدیم اولمی حسبیله جناب عزت اولہ جفنه
دیگریک خادث اولمی مناسبتیله بونکده حضرت
مسیح بولندیفنه ذاہب اولشلردر . بدعت ثانیہ :
جناب واجب الوجود مخلوقات و موجوداتی خلق
بیوروب انلرده معرفت سبحانیہ سنی ایجاد ایلدی
وانلری نعمۃ مظهر و شکر نعمتله مکلف و اوامر
الہیہ امثال ایدنلری دار نعیمہ ثابت قلدی .
معصیتی آز و طاعاتی چوق اولان کسمہ نک
صورتی احسن اولدیفنه و معصیتی چوق طاعاتی
آز اولان کیمسہ نکده صورتی اقبیح اولہ جفنه
ذاہب اولدیلر .

بدعت ثالثہ : رؤیت حقدہ وارد اولان
خبر عقل اولک رؤیتی اوزرینه محمولدر . بوده
مبدعاتک اولیدر . شول عقل فاعلدرکہ بدایت
موجوداتدر . صور ذاتدن افاضہ اولنور
و حضرت رسول الہک (اول ماخلق اللہ العقل)
قول شریفندہ واقع اولان عقلدن مراد بو اولوب
قیامت کونی کورین اودر و واہب العقلک
کورونمسی ایسہ محالدر اشبو فرقه حائطیہ نک
مشرک ککنده اتفاق علما واردر .

مناجات

ای جامع اوصاف کلمات اولان الله !
موجود ، احد ، واجب بالذات اولان الله !

تقدیس ایلہ توحید ایدرم ذات عظیمک
ای واہب الطاف و عنایات اولان الله !
صنع و حکم و قدرتک اشیادہ عیاندر
ای فاعل انواع شئونات اولان الله !
ای اول وای آخر و ہم ظاهر و باطن !
ای عالم اسرار خفیات اولان الله !
جو قدر کنہم عفوکہ محتاجم الہی !
غفران ایلہ ستار خطیئات اولان الله !
صفوت قولکہ قیل کرم و لطفکی ارزان
بخشنده احسان و عنایات اولان الله !

رضا صفوت

خبر آناسی

طبرزوندہ خبر آناسی نامیله بر غزته نشرینه
ابتدار اولمشدر رفیقمرکز دوام انتشارینی تمی
ایلرز .

صوفیلرہ کائن

نمونه عرفان مکتبی

﴿ ابتدائی و رشدی ، ذکور و اناث ﴾

مربی ، صنایع و موزیقہ شعبہلر حای

عرفان عثمانیک بر نمونہ بہترینی اولمق مقصد
خیر مرصیلہ تشکیل و پروگراملری اساس
مصول الاندراس دینی و ملیمزہ توفیقاً ترتیب
ایلہ امر تدریساتی اک کزیدہ و وطنپرور ارباب
عرفانہ تودیع اولنسان مکتبمیزک خلوص نیت و
سعی و غیرتیز ثمرہ سی اولہرق بحمدہ تعالی ،
اراء ایلیمکده اولدینی اثار تکمل علناً اجرا
ایتمکده اولدیعمز امتحان عمومیلرلہ و زردمزده
محفوظ بولنان تقدیر نامیلرلہ مثبت و مبرہندر .

اولادلرینک دین و دولته خادم ، و کندیلرینہ
خیر الخلف اولہرق پرورش یاب اولملرینی ارزو
ایدن اولیای اطفالک مجرب اولان « نمونہ عرفانہ »
مزی ترجیح بیورہ جعفرندہ شہہمز یوقدر .

مقصد معارفہ و بو صورتلہ آتی وطنہ
ناچیزانہ خدمت اولدیغندن اجرت تدریسہ مزی
غایت اہون اولہرق اولیای اطفالک سعۃ حالنہ
کوره تقدیر ایدیوروز . فقرای اطفال مع الافتخار
مجاناً قبول و هرکون طلبہ قید اولنور . فضلہ
ایضاحات طلبندہ بولنان ذوات صوفیلرہ بوستانہ
ناظر مکتبمزہ مراجعت بیورہ ییلورلر .

غزته مرکز صائیش محللری

ادرندہ کتابچی حسن عادل ، قرق کلیسادہ
ایساق مترانی ، سلانیکده صراف عبدالباقی ،
اسکجہدہ سرویل اشرف ، مناستردہ توتونچی
و کتابچی اسماعیل حق ، یانیہدہ قاریس چارشو
سندہ حافظ احمد نیازی ، کوپر یلیدہ کتابچی
حافظ محمد ، اسکوبدہ کتابچی ایرانی محمد حسن
برادرلر ، پرزیندہ ریختیم بویندہ قرائخانہچی
ارسلان چاوشدہ ، قلمہ سلطانیہدہ کتابچی اوخانس
مسروبیان ، بروسدہ کتابچی علی حیدر ،
طبرزوندہ تفیض کتبخانہ سندہ ، آفیون قرہ
حصارندہ کتابچی نہاد ، عشاقده حلواجی زادہلر
قرائخانہ سندہ ، تکفور طاغندہ غزتهچی و توتو
نجی ارمناق ، آنقرہدہ کتابچی و غزتهچی صراف
ادوار بدوشیان ، اطنہدہ عثمانلی کتبخانہ سی
صاحبی انطوان نورس ، ردوسدہ اسکله باشندہ
عارف حکمت افندی قرائخانہ سندہ ، قونیہدہ
کتابچی طوروس طوروسیان ، قسطنطونیہ
دلایلر چارشوسندہ شمس کتبخانہ سندہ ، اطنہدہ
کتبخانہ عرفاندہ ، بلغارستاندہ شمنیدہ ، وارندہ
سلسلہ ترہدہ ، جسر مصطفی پاشادہ ، قوالہدہ ،
مغنیسادہ ، یکی پلزاردہ ، اسکیشہردہ ، بیروتدہ ،
بغداددہ ، ازمیددہ ، ازیردہ ، اسکندریہدہ ،
ودھا بر چوق محللردہ توتونچی و کتابچی دکانلرندہ
صائیور .

باب علی جادہ سندہ کتابچی یورکی ، سرکہ جیدہ
توتونچی ایرانی علی افندیک دکاندہ ، ایاصوفیہدہ ملت
باغچہ سی قارشوسندہ کی توتونجیدہ ، یازیددہ
تراموای مقراصندہ کتابچی و غزتهچی دکاندہ
طوپخانہدہ قلنج علی پاشا جامع شریفی صرہ
سندہ کی توتونچی دکاندہ ، فندقلیدہ حمام
اتصالندہ کی توتونجیدہ ، قبا طاشدہ قناعت
کتبخانہ سندہ ، بشکطاشدہ تراموای مقراصندہ
کوشہ باشندہ صراف و توتونچی دکاندہ ،
اسکدار ، قاضی کوی ، قاسم پاشا ، ایوب ، مقری
کوی جہتندہ کی واستانبول کوپری باشندہ کی
بالجملہ موزعلردہ بولنور .

صاحب امتیاز
ومدیر مسئول
حسن کاظم

نجم استقبال مطبعہ سی